

Obavijest o povjerljivosti za istraživače i ostalo osoblje istraživačkog centra koje učestvuje u AbbVie istraživanju

Uvod

AbbVie Deutschland GmbH & Co. KG sa sjedištem u Mainzer StraÙe 81, 65189 Wiesbaden, Njemačka, je biofarmaceutska kompanija koja je dio globalne grupe kompanija usmjerenih na razvoj vodećih tretmana i inovacija širom svijeta (dalje u tekstu kolektivno oslovljeni kao "AbbVie" ili "mi"). U AbbVie-u se pažljivo brinemo o obradi ličnih podataka u skladu sa važećim zakonima. Prikupljamo i upotrebljavamo samo informacije potrebne za postizanje dolje opisanih ciljeva. Prema odredbama važećeg zakona o zaštiti podataka, kontrolor podataka je AbbVie Deutschland GmbH & Co. KG.

Lični podaci koje prikupljamo o vama i zašto ih prikupljamo

U očekivanju Vašeg učešća u istraživanju i kao dio Vašeg učestvovanja u istraživačkim i razvojnim aktivnostima koje provodi AbbVie, možemo prikupljati lične podatke o vama. AbbVie može prikupljati takve lične podatke iz raznih izvora, uključujući i direktno od Vas (npr. u Vašim biografijama, rezimeima ili drugim dokumentima ili obrascima koje Vam pruža AbbVie) ili indirektno (npr. iz istraživačkog centra u kojem radite ili provodite / podržavate aktivnosti u vezi sa istraživanjem ili iz dostupnih javnih izvora uključujući i onu koja je dostupna na internetu, koja može uključivati web stranice kao što su clinicaltrials.gov, www.clinicaltrialsregister.eu, i Popise za istraživače kliničkih ispitivanja koje se odnose na isključenje, diksvalifikaciju i restrikciju od strane FDA iz SAD.

AbbVie može prikupiti i koristiti neke ili sve sljedeće kategorije ličnih podataka:

- **lične podatke**, kao što su Vaše ime, dob, pol i pojedinosti o kontaktu;
- **profesionalne pojedinosti**, kao što su vaše radno mjesto, radnu titulu, medicinsko polje u kojem ste aktivni, vaše stručne kvalifikacije i naučne aktivnosti (kao što je prethodno iskustvo u kliničkom ispitivanju i učestvovanje u istraživanjima koja su prošla ili se trenutno odvijaju sa AbbVie i drugim kompanijama), objavljivanje akademskih ili naučnih istraživanja i članaka, te članstvo u udruženjima i odborima;
- **finansijske pojedinosti**, kao što su informacije vezane za plaćanje, uključujući porezni identifikacijski broj i iznose plaćanja koje izvršavamo prema Vama; i
- **pojedinosti interakcija s nama**, poput vrste sastanaka koji su se održali, raspravljane teme, Vašeg znanja o i pitanja koja ste imali o našim istraživačkim aktivnostima i proizvodima.

AbbVie će obrađivati Vaše lične podatke u sljedeće svrhe:

- upravljanje našim odnosom s vama, uključujući planiranje, organizovanje i pregled istraživanja koje obavljamo s vama i kontaktiranje s vama;
- pomoć kako bi Vam pružili informacije o planiranim istraživačkim aktivnostima AbbVie koje su relevantne s obzirom na vašu stručnost, interese i preferencije;
- poštovanje važećih zakona i propisa (npr. vezano uz farmakovigilancu, javnu registraciju kliničkih ispitivanja u kojima sudjelujete na web stranicama koje su dizajnirane za tu svrhu, kao što su www.clinicaltrials.gov ili www.clinicaltrialsregister.eu, izvještavanje o transparentnosti, i popunjavanje izvještaja o kliničkim ispitivanjima).

Pravna osnova za obradu je naš legitimni interes za održavanje i optimizaciju odnosa ili povezanosti sa Vama u odnosu na naše istraživačke aktivnosti, izvršavanje ugovora sa Vama ili Vaše uključenje, te poštovanje zakonskih i regulatornih obveza. Prema zakonu ili ugovoru niste obavezni da date Vaše lične podatke AbbVie-u. Međutim, kako bismo mogli razmotriti Vaše učestvovanje u AbbVie-ovim istraživačkim studijama i održavati naš odnos sa Vama, AbbVie mora obraditi Vaše lične podatke.

Dijeljenje Vaših ličnih podataka

AbbVie može povremeno podijeliti Vaše lične podatke s drugima, u vezi sa ciljevima koji su navedeni u ovoj obavijesti. Posebno, Vaše lične podatke možemo učiniti dostupnim za:

- sve podružnice unutar AbbVie grupe, uključujući AbbVie Inc., smještene u SAD-u kao naše matične kompanije i AbbVie podružnice u Vašoj zemlji koja pomaže sponzoru, ako je to primjenjivo (npr. u slučaju zajedničke regionalne ili globalne baze podataka), te kompanijama i pojedincima sa kojima smo u partnerskom odnosu u vezi sa predloženim ili stvarnim istraživačkim inicijativama;
- kompanije koje u svojstvu treće strane opskrbljuju AbbVie sa robama ili uslugama, kao što je pravno savjetovanje, revizija, dobavljači IT usluga i pružaoci usluga kliničkih ispitivanja;
- etičke odbore i državna tijela smještena u vašoj zemlji i u drugim zemljama, uključujući i Sjedinjene Države, gdje AbbVie sprovodi svoje istraživačke aktivnosti;
- druge treće strane u skladu sa sudskim nalogom, radi zaštite interesa AbbVie, ili drugačije kako je propisano zakonom ili pravnim postupkom; i
- stvarne ili potencijalne kupce kompanije AbbVie u slučaju prodaje, spajanja ili akvizicije.

Dijeljenje Vaših ličnih podataka na gore opisani način može uključivati prijenos u zemlje, uključujući zemlje izvan EU / EEA, čiji zakoni o zaštiti podataka i privatnosti ne moraju biti ekvivalentni ili jednako protektivni kao oni postojeći u Vašoj zemlji prebivališta. Kako bi se osigurao adekvatan nivo zaštite podataka, lični podaci koji se prenose unutar kompanija grupe AbbVie, uključujući AbbVie Inc. u Sjedinjenim Američkim Državama, vrše se na osnovu internih sporazuma koji uključuju model EU ugovora za prijenos podataka kontrolorima. Kopiju sporazuma možete dobiti slanjem zahtjeva putem e-pošte na adresu privacyoffice@abbvie.com.

U situacijama gdje AbbVie koristi pružaoc usluga ili saraduje sa svojim partnerima u istraživanju koji imaju pristup ličnim podacima, zahtijeva se od takvih pružaoca usluga i partnera u istraživanju da zaštite Vaše podatke i obrađuju Vaše lične podatke u skladu sa ovom obavijesti o zaštiti podataka i ni u kakvu drugu svrhu. Svako prenošenje ličnih podataka trećim stranama izvan EU bit će učinjeno u skladu s međunarodnim ograničenjima za prijenos podataka koji se primjenjuju u skladu sa zakonima EU o zaštiti podataka, uključujući, gdje je to primjereno, korištenjem modela EU ugovora za prijenos podataka prema procesorima.

Zaštita i zadržavanje Vaših ličnih podataka

AbbVie će poduzeti odgovarajuće tehničke i organizacijske sigurnosne mjere kako bi zaštitio Vaše lične podatke u skladu s važećim zakonima o privatnosti i sigurnosti podataka. U slučaju kada AbbVie unajmljuje pružaoca usluge treće strane za obradu ličnih podataka, taj se pružaoac usluga pažljivo bira i od njega se zahtijeva korištenje odgovarajućih mjera za zaštitu povjerljivosti i sigurnosti ličnih podataka. AbbVie zadržava Vaše lične podatke samo dok postoji kontinuitet saradnje sa Vama na stvarima koje su vezane za istraživanja, osim ako su potrebna ili dopuštena duža razdoblja zadržavanja u skladu sa dobrom kliničkom praksom (GCP) i zakonima i propisima koji su povezani sa kliničkim ispitivanjima.

Vaša prava

Možete se obratiti AbbVieu kako biste zatražili pristup ličnim podacima koje obrađujemo o Vama kao i kako bi ispravili netačne podatke i popunili sve nepotpune podatke. U skladu s uslovima i zahtjevima važećeg zakona, možete se suprotstaviti obradi Vaših ličnih podataka i zatražiti da izbrišemo vaše lične podatke, ograničimo obradu takvih podataka i prenesemo Vaše lične podatke Vama ili drugom kontroloru podataka.

Da biste ostvarili svoja prava, obratite se AbbVie službeniku za zaštitu podataka u EU, podnošenjem upita o privatnosti na adresi abbvie.com/contactus.html pod "Upit o privatnosti" ili poštanskim putem na adresu Mainzer StraÙe 81, 65189 Wiesbaden, Njemačka (pažnja: EU DPO). Ako AbbVie nije u mogućnosti pružiti tražene podatke ili ispuniti Vaš zahtjev, dobit ćete razloge za takvu odluku. Dodatno, imate pravo podnijeti žalbu kod Vašeg lokalnog tijela za zaštitu podataka.